

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu privrednog subjekta „PD PLASTIKA“ d.o.o., ul. Kninska bb, 74400 Derventa,
Bosna i Hercegovina**

**Sarajevo,
februar, 2017. godine**



Broj: 01-26-7-034-1-I/16
Sarajevo, 14.02.2017. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji („Službeni glasnik BiH“, broj 48/05, 76/07 i 80/09), a po Zahtjevu za mišljenje privrednog subjekta „PD PLASTIKA“ d.o.o., ul. Kninska bb, 74 400 Derventa, Bosna i Hercegovina zastupanog po advokatu Gordani Damjanović, ul. Kralja Petra I broj 15, 74 400 Derventa, Bosna i Hercegovina zaprimljenog dana 26.12.2016. godine pod brojem: 01-26-7-034-I/16, na 139. (stotinutridesetidevetoj) sjednici održanoj dana 14.02.2017. godine, donijelo je

MIŠLJENJE

Konkurencijsko vijeće Bosne i Hercegovine (u daljem tekstu: Konkurencijsko vijeće), je dana 26.12.2016. godine, zaprimilo od strane privrednog subjekta „PD PLASTIKA“ d.o.o., ul. Kninska bb, 74 400 Derventa, Bosna i Hercegovina (u daljem tekstu: PD PLASTIKA ili Podnosilac zahtjeva), zastupanog po advokatu Gordani Damjanović, ul. Kralja Petra I broj 15, 74 400 Derventa, Bosna i Hercegovina, Zahtjev za davanje mišljenja (u daljem tekstu: Zahtjev) u vezi postojanja obaveze podnošenja prijave koncentracije.

Podnosilac zahtjeva navodi sljedeće:

- da privredni subjekt PD PLASTIKA sa danom 31.12.2016. godine ima namjeru da pokrene postupak pripajanja privrednom subjektu „DIGITAL –ELEKTRONIK“ d.o.o., ul. Kninska bb, 74 400 Derveta, Bosna i Hercegovina (u daljem tekstu: DIGITAL ELEKTRONIK) koji ima (..)**¹ % udjela u vlasničkoj strukturi privrednog subjekta PD PLASTIKA,
- da je na osnovu (..)**¹, ovjerenog od strane notara Đurić Branka dana 31.08.2016. godine (broj akta: (..)**), privredni subjekt „INEX BERATUNGS-und Vertriebs GmbH prenio svoj udio od (..)** % u osnovnom kapitalu privrednog subjekta PD PLASTIKA na privredni subjekt DIGITAL ELEKTRONIK,
- da je pretežna djelatnost privrednog subjekta PD PLASTIKA proizvodnja alatnih mašina,
- da je pretežna djelatnost privrednog subjekta DIGITAL ELEKTRONIK proizvodnja elektronskih komponenti,
- da je ukupni godišnji prihod privrednog subjekta PD PLASTIKA u 2015. godini na tržištu u Bosni i Hercegovini iznosio (..)** KM, a na svjetskom tržištu (..)** KM,
- da je ukupni godišnji prihod privrednog subjekta DIGITAL ELEKTRONIK u 2015. godini na tržištu u Bosni i Hercegovini iznosio (..)** KM, a na svjetskom tržištu (..)** KM.

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), koje glase:

¹ (..)** - Podaci predstavljaju poslovnu tajnu, u smislu člana 38. Zakona o konkurenciji.

„ (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
 - b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili učešća osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
 - c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.
- (2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Na osnovu navedenog, Konkurencijsko vijeće smatra da nisu ispunjeni uslovi iz člana 12. stav (1) Zakona, te u tom smislu ne postoji obaveza podnošenja prijave koncentracije.

Konkurencijsko vijeće je dalo mišljenje isključivo na osnovu podataka iznesenih u Zahtjevu, ukoliko dati podaci odstupaju od stvarnog i činjeničnog stanja, ovo mišljenje se ne može primjeniti.

Predsjednica

mr. Arijana Regoda- Dražić